

Mutze-Bebbi Bärn



Fasnacht 2004

Bläggaut – dappsch au Du im Dungle?

Unsere Vordraab dappt im Dungle
är suecht sy Wäg, so duet me munggle.
Dr Ladäärne, hets bigoscht abglescht
Wär waiss, vilicht isch das gar s'Bescht,
D'Dammuure bebbelerle forsch usswändig
So mache die das ebe bschtändig,
Unsere Pfyffer fäält dr Pfuus
Es blybt drby - es isch e Gruus.

Mir sinn gscheiter worde im letschte Summer
Drum lychtet d'Ladäärne oony Elegdrobrummer
Mir sinn ganz altmeedig und autonom:
Mir kemme uus ooni Strom vom Atom
Im letschte Summer in dr greeschte Hitz
hets Strompanne gää, das isch kai Witz
Amerika, Ängland, Italie synn ally oony Pfuus
Und yberall geen d'Lämpli uus.
Doch die Bläggaut sinn kai Furz
Das erglääre mir do kurz:

Waisch, was bassiere duet bim Tschortsch und bim T
Mecht yfrig noochemache – dr scheen Berlusconi.
Är schwätzt sich uuse, glaar liggs uff dr Hand
Mir Schwyzer syge im Getrib dr Sand.
Mit dere bleede Schuldzuewysig
Blybt är aber schuurig dysig,
Duet drmit s'Glima vergifte
Kunnt denn aber zuenis sich go lo lifte.

E Huffe hänn in dr letschte Zyt dänggt,
In de Schef-Etasche sygesi rächt beschränggt.
Gheersch vo dräggige Gschäftli wo si draie
Gäld abzwyge, Lyt entloo, Bilanze uffbläaie.
Wenn ihr Drägg-Gschäft duet uffliege
Kenne die Heere denne nyt als liege.
-D'Rendite hebi e Bläggaut gha-
Und laufederby nit emol schamrot a.

Die wo zletscht Liecht in's Dungle sotte bringe
Dabbe sälber im Dungle und dien ringe
Kenne vom Gwirr e Liedli singe.
Si gseen niene e Hoffnig funggle
Dabbe zyllos und im Dungle.

Mir Mutze hänn jetz wirgligg gnue,
Mir riefe luut Blägg isch aut, mir wänn jetz Rue.
Mir dappe nimme gruusig und im Dungle,
Dien mit em Pheenix um d'Wett ummefunggle.
Mir gniesse zämme die drey scheenschte Dääg
Nämme d'Fanachtsfraid und d'Hoffnig mit is haim uff e Wääg.

D Ladäärne Uusstellig uff em Minschterplatz und d Waage- und
Reggwisyte Uusstellig bi dr Kasäärne sin vom Määntig zoobe bis
am Mittwuche demoorge (1. bis 3. Meerz). Deert ka men au alli
Zeedel und Schnitzelbängg, d Blaggedde und dr Rädäbäng
kauffe.

www.fasnacht.ch/mutze-bebbi
